


[www.BibleForChildren.org](http://www.BibleForChildren.org)



San Juan 14



Gunná Jesús: –Quebe cuele le'e gunne xue. Le guxrén lazre' Dios, ne le guxrén lazre' neda'. Lizre Xra' déle'e lataj naga súale. Chela quebe naca na caní, neda' ba gucha' le'e. Wexá'a cheajxecueza' lataj cheeje.



Ca te xexá'a cheajxecueza' lataj chee̲le, na'  
wexelájqueza' xetú chee̲ xedajxezri'a le'e súale̲le  
neda', chee̲ súale le'e naga súaqueza' neda'.



Neda', Juan, naca' benne' bíchele le'e, ne naca'  
tuze nen le'e lu xel-la' zi', ne lu xel-la' dxenná  
bea, ne lu xel-la' dxuchaga lau da

dxunna Jesucristo dxi'u.



Ca tu benne' xu'e lizre xia guzúa' lu xezr la xu  
Patmos da naxechaj nísadau', lawe' da  
bchálaja' dizra' chee Dios ne dxuna'

ba nalí ca naca chee  
Jesucristo.



Ca gunné' ca' guzúale Be' Lá'azxa neda', na'  
ble'eda' tu lataj blau xabáa, ne ble'eda' tu Benne'  
zaca dxe'e lataj blau na'.



Cá'anqueze benda' dxelenná xúgute da ca' b̄en Dios,  
da ca' zaj zra' xabáa, ne da ca' zaj zra' xezr la xu, ne  
da ca' zaj zra' lu nísadau', ne xúgute  
da ca' zaj nita xúgute lataj ca',  
dxelenná na: . . . .




. . . Xel-la' dxue lá'ana, ne xel-la' ba lá'ana, ne xel-la'  
szren, ne xel-la' dxenná bea zaj naca na chee  
Bénnea' dxe'e lataj blau na', ne  
chee bénnea' naque' Zríla'dau',  
gaxúane gaxúane iza.



Neda', Juan, ble'eda' xezre lá'azxa, da naca na  
Jerusalén cube, dxetaj na xabáa, za na naga zua Dios.  
Xezre na' nabeza na ca tu nu'ula wechaga na' nupá'a  
cuínabe' chee gácabe' tuze nen benne' cheebe'.  
Benda' chi'i tu benne' da za' xabáa, dxenné':

–Gunná'xque,  
Dios zue'  
ládujla  
bénneache,  
na' xelaque'  
xezre chee', na'  
Dios súaqueze'  
nen benne' ca',  
ne gaque' Dios chee'.



Nadxa gubáz cheę xabáa na' blé'eneę neda' tu xęgu  
nisa da dxunna na xel-la' nabán. Naca na xaní' ca xiaj  
esa', na' dxedxuaj na lataj blau naga zaj dxe' Dios, ne  
Bénnea' naqueę Zríla'dau'.



Xezre na' quebe nachine na gusení' gubizra na', ne  
beu', lawe' da dxusení' queze da xabáa chee Dios ga  
na', na' Bénnea' naque' Zríla'dau' naque'  
xel-la' naxaní' chee na.




Cabata' chu'u da sban ga na', ne netú benne' dxunę' da zrinnaĵ, ne netú benne' dxun lazre'. Xelú'uze benne' ca' zaj naxúaj le' lu xiche cheę xel-la' nabán da napa Bénnea' naque' Zríla'dau'.




Dios tu súa lez que ze' benne' ca'  
chee qué bedxa xe le bezre', na'  
qué bedxa gata' xel-la' gute, ne  
xel-la' gubezre, ne xel-la'  
dxe bezre xache', ne xel-la'  
dxudía, lawe' da ba gudé chee  
xúgute da gulaca né dxute.




Québedxa bi gata' da xu'u de'. Lataj blau naga zaj dxe'  
Dios, ne Bénnea' naque' Zríla'dau' sua na lu xezre na',  
na' benne' wən zrin chee' ca' xulucá'ana szrene' Le'.  
Xeलेlé'ene' Le' caníqueze, na' La Dios zriche na  
luzrgá benne' ca'.



Nadxa ble'eda' benne' gate ca', benne' blau, ne benne'  
quebe nu zaj naque', zaj ze' lau Dios, na' belexalaj  
xiche ca', ne cá'anqueze xetú xiche naga zaj naxúaj la  
benne' ca' zaj nape' xel-la' nabán. Dios bchi'e chee  
benne' ca' cáteze da belún tu tue',  
da ca' zaj naxúaj na lu xiche ca'.  
na' lu xi' nigá guledxú'une'  
xúgute benne' ca'  
quebe zaj naxúaj  
le' lu xiche  
chee xel-la' nabán.



Be' Lá'azxa, ne benne' ca' zaj naca ca zru'ula Bénnea'  
naque' Zríla'dau', dxelenné': –Gudá, Xran. Nu benne'  
xenne' da nigá dxal-la' nne': –Gudá, Xran. Benne'  
dxebílene', ne dxaca lazre' dxal-la' xide', na' xí'aje' nisa  
da dxunna na xel-la' nabán, na' quebe bi quízruje'.



Dios dxezrí'i lázrele'ene' bènneache,  
na' chee le na' bdee' Zrí'ine' tu licha'  
chee quebe xelebía xi' nu benne'  
dxeléajle'e chee'. Zrué'e bènnea'  
xel-la' nabán da  
zeajlí canna.



### Romanos 3:23

lawe' da zaj nun xúgute bēneache dul-la, ne quebe zaj naca chee' xelexú'e lu xabáa chee Dios.

### Romanos 6:23

Benne' dxune' dul-la dzezi'e lazruj chee' da naca na xel-la gute, san da dxúnnaze Dios dxi'u naca na xel-la nabán da zeajlí canna tu zren nen Xránadxu Jesucristo.

### Hebreos 9:27

Ca dxun na ba xen xelate xúgute bēneache tu lásaze, na' te na' Dios guchi'e da zaj nun tu tue',



Efesios 2:8,9

Lu xel-la xrlátaje chee̅ Dios bselé' le'e lawe' da guxeajlí lázrele Cristo. Quebe naca na ne̅ chee̅ bi da benle le'e, san naca na tu da ben Dios cá'aze ne̅ chee̅. Quebe nalá nu benne' ne̅ chee̅ bi da dxúnqueze̅', chee̅ quebe nu benne' gucá'ana szren cuine̅'.

Romanos 10:9,10

Che nen dxu'u dxennáu' naca Cristo Xranu', ne che lu lazrda'u dxeajlí lazru' Dios bsebane̅' Le̅' ládujla benne' gate, nadxa lau'. Lu lázrdaudxu dxeajlí lázredxu chee̅ xegá'anadxu xrlátaje lau Dios, ne nen dxú'adxu dxexechébedxu nácadxu chee̅ Cristo chee̅ ladxu.



## San Juan 3:16,17

Dios dxezrí'i lázrele'ene' bènneache, na' chee le na' bdee'  
Zrí'ine' tu licha' chee quebe xelebía xi' nu benne'  
dxeléajle'e chee'. Zrué'e bènnea' xel-la' nabán da zeajlí  
canna. Dios gusél-le' Zrí'ine' lu xezr la xu nigá, quegá chee  
guzría xi'e bènneache, san chee guselé' bènneache.

## 1 San Juan 5:11-13

Da nigá naca na da nadxixruj li Dios, dxenné' ba benne'  
dxi'u xel-la' nabán zeajlí canna, na' xel-la' nabán nigá za na  
lu na' Zrí'ine', Jesucristo. Bènnea' zua Zri'ine Dios na' lu  
xichaj lázrdawe' zúale xel-la nabán nigá le', san bènnea'  
quebe zua Zrí'ine' lu xichaj lázrdawe' quebe zúale xel-la'  
nabán nigá le'. Da nigá dxuzúaja' chee dxéajlele  
chee Zri'ine Dios chee nézele zúale xel-la'  
nabán zeajlí canna le'e.



San Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Zapotec Tabaa NT (zat) © 1981, Wycliffe Bible  
Translators, Inc. All rights reserved.

<https://www.bible.com/bible/772/MAT.1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

